

## THOMAS, JOSHUA (bu farw 1759?), clerigwr a chyfieithydd

**Enw:** Joshua Thomas

**Dyddiad marw:** 1759?

**Rhyw:** Gwryw

**Galwedigaeth:** clerigwr a chyfieithydd

**Maes gweithgaredd:** Crefydd; Ysgolheictod ac Ieithoedd

**Awdur:** William Llewelyn Davies

Ganwyd yn Penpes, plwyf Llanlleonfel, sir Frycheiniog. Yr oedd yn gurad Tir yr Abad yn y sir honno yn 1739. Daeth yn ficer Merthyr Cynog (yn sir Frycheiniog eto) yn 1741, a pharhau i ddal y fywoliaeth honno o 1746 hyd 1758 pryd yr oedd hefyd yn ficer Llanbister, sir Faesyfed. Yn 1758 fe'i penodwyd yn ficer Ceri, Sir Drefaldwyn. Yn 1752 cyhoeddwyd *Y Fuchedd Gris'nogol, o'i Dechreu, i'w Diwedd mewn Gogoniant ... gan Joan Scott, D.D., Person S. Giles yn y Meusyddyn Llundain. A Chyfieithiad Josua Thomas, Ficer Llanbister yn Sir Faesyfed, a Merthyr Cynog ym Mrycheiniog a Chaplain i'r Gwir Anrhydeddus Iarll Powis* (Llundain, John Olifir, 1752). (Y mae rhestr tanysgrifwyr y gyfrol yn werthfawr.) Yn y flwyddyn ddilynol, y mae'n debyg, yr argraffwyd (gan [Thomas Durston](#), Amwythig) ail lyfr yr awdur, sef *Undeb mewn Gwlad, neu Bregeth ynghylch y Newidiad Diweddar a wnaed yn y Flwyddyn*. Pregeth oedd hon i egluro amcan, ystyr, a chanlyniadau'r newid yn y dull o gyfrif amser a wnaethpwyd yn y flwyddyn 1752.

### Awdur

Syr William Llewelyn Davies, (1887 - 1952)

### Ffynonellau

*Oxford Dictionary of National Biography*, a'r ffynonellau a enwir yno

*The Transactions of the Radnorshire Society*, 1949, xix, 47

### Dolenni Ychwanegol

Wikidata: [Q18732808](#)

**Dyddiad cyhoeddi:** 1953

**Hawlfraint Erthygl:** <http://rightsstatements.org/page/InC-RUU/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

